

Vuk'uzenzele



Produced by Government Communications (GCIS)

English/Sepedi

| Mopitlo 2018 Kgatišo 1

Land claim reaps rewards

A KWAZULU-NATAL (KZN) community will soon be enjoying the rewards of a successful land claim that they have turned into a private game reserve.



■ The Mayibuye Game Reserve has already created jobs and will ensure that the wildlife economy thrives.

Hlengiwe Ngobese

The first black-owned private game reserve is on the cards for KZN, thanks

to a R15 million government investment to the Mayibuye Community Trust.

The word mayibuye, which means to return in isiZulu, is also the name of the 5

581-hectare Mayibuye Game Reserve which is located between Pietermaritzburg and Durban.

The land being returned to the community was taken via forced removals in 1963,

which saw 445 people lose their homes.

Chairperson of the reserve, Welcome Maphanga said the community was relocated to

● **Cont. page 1**



Science powers education

Page 7



Youth say YES to employment

Page 8



ALSO AVAILABLE ON:



@VukuzenzeleNews

f Vuk'uzenzele

Websites: www.gcis.gov.za

www.vukuzenzele.gov.za

E-mail: vukuzenzele@gcis.gov.za

Tel: (+27) 12 473 0353

Free Copy

“There can be no greater gift than that of giving one’s time and energy to help others without expecting anything in return.”

Nelson Mandela



Baswa ba re YES go mošomo

THOMO ya mmušo ya go ikemišetša go abela baswa ba gose šome ba milione o tee boitemogelo bja mošomo wa go lefiwa.

Masego Temane o thabetše go hwetša boitemogelo bja mošomo, bjalo ka motšekarolo wa Tirelo ya Mošomo ya Baswa (YES), go ya ka *Diploma* ya gagwe ya *Human Resource Management*.

YES, ye e sa tšwa-go go thomiwa ke Mopresidente Cyril Ramaphosa, e ikemišeditše go



■ Masego Temane yo a thabetšego go ba karolo ya baswa lenaneong la YES.

beakanyetša baswa maemo a mošomo le go ba fa mabokgoni a sethekiniki ao a hlokegago go tša intasteri ya ekonomi.

Temane o hlaloša gore morago ga go aloga ka 2016 gase a dira dikgopelo tša mošomo ka ge a be a se na maitemogelo a maleba.

“Ebe e le tlhohlo ye kgolo go nyaka mošomo o se na maitemogelo. Ka mahlatse ka tseba ka ga Lulaway Recruitment Agency ya go dirišana le YES, gomme ba mpha tlhahlo ya mošomo.”

YES ke boikgafo bja go kopanelwa ke mmušo, mekgatlo ya bašomi le dikgwebo go aba boitemogelo bja mošomo wa go lefiwa, go baswa ba Afrika Borwa ba milione o tee mo mengwageng ye meraro ya go latela.

Dinyakišišo tša go dirwa ke bengditseka di laetša gore boitemogelo bja ngwaga o tee ka gare ga CV, le lengwalo la tšhupetšo, di oketša monyetla wa moswa wa go hwetša mošomo gararo.

Temane o tlaleleditše ka gore o rata mošomo wa gagwe, kudu ka gore o thuša baswa ba bangwe go hwetša mošomo ka ge e le mokalatši wa bahlahliwa mošomong.

Thomong ya YES Mopresidente Ramaphosa o tsebišitšwe baswa ba mathomo ba 100 bao ba tlo thwalwago lenaneong le ke ABSA, Investec, Netcare, Sasol le Unilever.

“Re bona lenaneo le bjalo ka philara ya boikgafo bjo bogolo bja bosetšhaba ka botlalo, bja go hlamela baswa menyetla. Philara ye nngwe ya bohlokwa ke tlhobollo ya mabokgoni le go kgona ga baswa,” o boletše bjalo Mopresidente Ramaphosa.

O dirile boipiletšo go di-

kgwebo tše dinnyane gore di bapale karolo ya tšona ka ge di na le mothopo o mogolo wa thwalo gomme a re dikgwebo tše dikgolo di kase kgone go thwala baswa bao ba lekane-go di le tee.

Go ya ka Mohlankedimogolo Phethiši (CEO) ya YES, Tashmi-a Ismail-Saville, magareng ga batho ba 15.5 milione ba mengwaga ya magareng ga 18 le 34 Afrika Borwa, ba 5.8 milione ga ba šome.

“YES ikemišeditše go abela karolo yeo ya baswa, yeo e sa šetšego ke dimotlele tša thwalo tša bjale tša ka mo nageng, sebaka sa mathomo sa bohlokwa sa go hwetša boitemogelo bja mošomo wa go lefiwa wa khwalithi gape wa maemo,” o boletše bjalo Ismail-Saville.

Bjalo ka tlhohleletšo ya tlaleletšo go dikgwebo tše dinnyane tša go thwala baswa ba mengwaga ya magareng ga 18 le 29, dikgwebo di tlo lebana le Tlhohleletšo ya

Motšhelo wa Thwalo ya go lekana R1 000 ka kgwedi.

Baswa ba YES ba swanetše go:

- ba le mengwaga ya magareng ga 18 le 34.
- ba le dikgwedi tše fetago tše tshela ba sa šome.
- ba bathobaso (maAfrika, maKhalate goba ma-India).

Ge e le gore dikhamphani di nyaka go bušetšwa Tlhohleletšo ya Motšhelo wa Thwalo, moswa o swanetše go ba mengwaga ye 18 le 29.

Moswa o tlo lefiwa bokae?

Moputso o swanetše go beakanywa go ya ka moputso wa magareng wa bosetšhaba wa R3 500 ka kgwedi, wa go akaretša tlhahlo le thekgo. Tshenyagalelo ya gare ka ngwaga ke R55 000. ■

Go hwetša tshedimošo ka botlalo etela:
www.yes4youth.co.za

Go boledišanwa ka go tliša polelo ye mpšha ya Afrika Borwa

BAETAPELE ba setšo ba na le karolo ye bohlokwa ye ba swanetšego go e bapala go aga setšhaba sa gose be le bohloki, hlokego ya mešomo le gose lekalekane.

Neo Semono

Khelobedu e ka ba polelo ya semmušo ya bo12 Afrika Borwa go ya ka go hlopha seriti sa baetapele ba setšo.

Mopresidente Cyril Ramaphosa o dirile tsebišo ye ka moletlo wa khoro-neišene wa Kgošigadi ya Balobedu kua Lapatlelong la Mokwakwaila go la Balobedu, Ga-Modjadji ka Limpopo.

Khelobedu ke polelo ya go bolelwa ke setšhaba sa Balobedu seo se tlogo etwa pele ke mokgethiwa wa Kgošigadi ya Pula ya Balobedu wa mengwaga ye 13, Masalanabo Modjadji, mola a na le mengwaga ye 18, morago ga go begwa go

ba Kgošigadi Modjadji VII. O tlo aloga go ya ka meetlo le ditšo tša Balobedu.

“Ye ke kgato ya histori ya nnete yeo e bego e tlo thabelwa ke Mma Winnie Madikizela-Mandela. Bjo ke Bogošigadi bja mathomo gape bjo botee mo nageng le mo kontinenteng,” o boletše bjalo Mopresidente Ramaphosa.

Mopresidente Ramaphosa o kgonthišetše boitlamo bja mmušo bja go tsošološa tlhompho le seriti sa baetapele ba setšo.

Bogošigadi bja Balobedu bo lemogilwe semmušo ka Hlakola 2016 ka morago ga dinyakišišo tša go dirwa ke Khomišene ya Dipelaelo tša Boetapele bja Setšo le Dikleime (CTLDC) ka ga maemo a Balobedu,

go ya ka dikleime tše di rometšwego CTLDC.

“Mmušo o ikgafile go phethagatša dineelano tša Kgaolo 12 ya Molaotheo, kudu tsošološo ya seriti sa sehlongwa sa boetapele bja setšo temokrasing ya Molaotheo,” o boletše bjalo Mopresidente Ramaphosa.

O rile temogo ya Bogošigadi Afrika Borwa e laetša boikgafo go molao le boleng bja tekatekano go ya ka bong, le go lemoga karolo ya boetapele ya go bapalwa ke basadi dikarolong ka moka tša bophelo.

“Baetapele ba setšo ba swanetše go bapala karolo ye bohlokwa ya go aga setšhaba sa gose be le bohloki, hlokego ya mešo-

mo le gose lekalekane. Baetapele ba rena ba setšo ba swanetše go eta pele ntweng ya go tsošološa ditokelo le seriti sa batho ba rena.”

O gateletše gape le karolo ya bohlokwa ya go bapalwa ke baetapele ba setšo go bušetša naga go beng ba yona ba nnete.

“Ba swanetše go kgonthiša gore naga e bušetšwa go bao ba e šomago le gore bao ba bušetšwago naga ba be le didirišwa gore ba kgone go e šoma,” o boletše bjalo Mopresidente Ramaphosa.

Batho ba go akanywago gore ba ka ba dimilione tše 25 ba go dula dinagama-gae ba dira seo ka tlase ga boetapele bja baetapele ba setšo. ■

Naa o be o tseba?

- Balobedu ba amegile ge ka 1972 Kgošigadi ya Pula Makoma Modjadji a tšeelwa maatla gomme maemo a gagwe a išwa tlase go kgošigadi ya motse
- Metse le ditona tša karolo ya gagwe di akareditšwe go dinaga tša Lebowa le Gazankulu gomme seo sa senya ditšo tša go huma le tatelano ya bogošigadi ya mengwaga ye 400 kua morago.